

Durante Campeonato Pan Americano di landamento sincronisa

Kyra Hoevertsz a logra medaya di brons den solo



ORANJESTAD - E campeonato continental a cuminsa pa Aruba cu un logro historico, ora cu e dueto tecnico di Anouk Eman y Kyra Hoevertsz a sa di gana e medaya di oro



den e Campeonato Pan Americano di landamento sincronisa.

Apenas un par di ora mas laat sinembargo, Kyra a demostra cu como solista tambe e contrincantenan mester tene cuenta cu atleta di Aruba. Lagando solamente e solistanan di Mexico y Merca su dilanti, Kyra ta gana e medaya di brons cu su solo y trece asina e segundo titulo cas for di e Campeonato Pan Americano cu ta tumando luga e siman aki na Riverside,

California.

Sentimentonan di orguyo a yena su curason durante e ceremonia di entregamento di medaya, caminda el a ricibi un medaya di brons pa su tercer puesto. E campeonato a continua den fin di siman, cu actuacion di Anouk y Kyra den un otro evento, esta e duo liber.

Speransa ta cu lo por continua di mira e hoben landadonan sincronisa di nos isla den e puestonan mas sobresaliente den e deporte. □